

KANDUNGAN LIPUTAN HARIAN BULAN DISEMBER 2022

| BIL. | TARIKH | TAJUK BERITA | MUKA SURAT |
|------|------------|---|------------|
| 1. | 07.12.2022 | Dana RM600B Mula Disiasat | 2 |
| 2. | 12.12.2022 | Pantau Perbelanjaan RM2.8B Baik Pulih LRT | 3 |
| 3. | 14.12.2022 | Apa Jadi Lembaga Ruminan Negara? – Pernah Dicadang sejak 2014, Tiada Tindakan Serius Pulihkan Ternakan Negara | 4 |
| 4. | 16.12.2022 | Projek Kuari 880 Hektar Bukit Lagong Belum Beroperasi | 5 |
| 5. | 16.12.2022 | Sistem Amran Banjir Lemah | 6 |
| 6. | 23.12.2022 | Rasuah RM164,800 Guru Besar Sekolah Agama Mengaku Tidak Bersalah | 7 |

7 DISEMBER 2022 | RABU | MUKA SURAT : 1,2

Utusan
Malaysia

Dana RM600b mula disiasat

Oleh MASZUREEN HADZMAN
maszureen.hadzman@mediamulia.com.my

PETALING JAYA: Suruhanjaya Pencegahan Rasuah Malaysia (SPRM) memulakan siasatan berhubung dakwaan perbelanjaan hampir RM600 billion tanpa tender ketika era pentadbiran kerajaan Perikatan Nasional (PN).

Mengesahkan kepada *Utusan Malaysia*, Ketua Pesuruhjaya SPM, Tan Sri Azam Bakri berkata, berdasarkan aduan dibangkitkan oleh orang swam, SPM telah mendapatkan maklumat dan keterangan daripada pihak Kementerian Kewangan untuk diteliti.

Menurut beliau, beberapa dokumen diambil daripada

SPRM ambil maklumat daripada Kementerian Kewangan

kementerian berkenaan bagi melihat sekiranya terdapat kesalahan-kesalahan di bawah Akta SPM 2009.

"Orang yang membangkitkan dakwaan berkenaan jadi adalah tanggungjawab SPM untuk menjalankan siasatan di bawah bidang kuasa kita."

"Dokumen yang diperoleh akan diteliti untuk kita lihat

sama ada berlaku pelanggaran tadbir urus, rasuah, salah guna kuasa dan penyelewengan," kata beliau ketika dihubungi semalam.

Bagaimanapun, Azam berkata, sejak ini SPM belum menggil mana-mana pihak untuk diambil keterangan.

Bersambung di muka 2

Dana RM600b mula disiasat

Dari muka 1

"SPRM sedang teliti dokumen, kita belum panggil sesiapa lagi," kata beliau.

Sementara itu, Perdana Menteri, Datuk Seri Anwar Ibrahim pada sidang akbar selepas mempergerusikan mesyuarat bersama pegawai kanan Kementerian Kewangan dan agensi-agensi di bawah kementerian itu semalam berkata, wujud perlanggaran peraturan dalam kelulusan peruntukan antara RM580 bilion hingga RM600 bilion oleh pentadbiran PN melibatkan perbelanjaan ketika tempoh Perintah Kawalan Pergerakan (PKP).

Beliau yang juga Menteri Kewangan berkata, jumlah besar peruntukan itu juga dibahaskan seolah-olah kerajaan pimpinan Tan Sri Muhyiddin Yassin seperti membelanjakan begitu banyak wang untuk rakyat sedangkan sejumlah besar wang itu adalah wang daripada Kumpulan Wang Simpanan Pekerja (KWSP) iaitu wang rakyat sendiri selain wang daripada keputusan institusi perbankan yang melaksanakan moratorium sebagaimana diakui sendiri PN.

Anwar kemudian turut menempelak kerajaan PN yang sering menguar-uarkan kepentingan tadbir urus bersih, tetapi mereka langsung tidak 'bersih'.

"Apabila disebut mengenai kelulusan yang dibuat dalam pentadbiran PN, ia membabitkan isu atau perkara yang tidak mengikuti peraturan termasuk kelulusan sewaktu pelaksanaan PKP dua tahun lalu," kata



ZAMIL Ibrahim selepas membuat laporan di ibu Pejabat SPRM di Putrajaya semalam berhubung isu dana RM600 bilion dan pemilikan RM400 juta saham oleh Shahidan Kassim.

beliau.

Pada 30 November lalu, Ahli Parlimen Hulu Langat, Sany Hamzan membuat laporan polis berhubung dakwaan berlaku penyelewengan dana RM600 bilion ketika pentadbiran PN.

Bagaimanapun, Muhyiddin berterusan menafikan dakwaan tersebut selain menyatakan beliau tidak takut untuk disiasat.

Perdana Menteri yang juga Ahli Parlimen Tambun seterusnya berkata, pentadbiran Kerajaan Perpaduan tidak akan berkompromi dalam isu tatakelola dan rasuah.

Kata Anwar, terdapat beberapa pemimpin yang lantang

menggunakan istilah kleptokrasi walhal ahli keluarga mereka turut disyaki terlibat dalam urus niaga yang besar.

Sementara itu, pada pukul 4 petang semalam, SPRM menerima satu lagi laporan daripada Badan Bukan Kerajaan (NGO) Penyatuan Ummah Malaysia berhubung isu dana RM600 bilion yang dicurigai berlaku penyelewengan dan persoalan pemilikan RM400 juta saham milik Ahli Parlimen Arau, Datuk Seri Shahidan Kassim.

Laporan tersebut dibuat Pengerasinya, Zamil Ibrahim di ibu Pejabat SPRM yang mahu kedua-dua isu tersebut disiasat dengan segera dan telus oleh SPRM.

12 DISEMBER 2022 | ISNIN | MUKA SURAT : 3

Pantau perbelanjaan RM2.8b baik pulih LRT

Oleh OMAR ZIN
omar.zin@mediamulia.com.my

PETALING JAYA: Kerajaan diminta memantau peruntukan RM2.8 bilion yang disediakan oleh Prasarana Malaysia Berhad (Prasarana) bagi projek baik pulih dan menaik taraf perkhidmatan transit aliran ringan (LRT) Kelana Jaya.

Ini kerana ia melibatkan peruntukan yang besar meliputi fasa satu iaitu kos RM150 juta diikuti fasa kedua RM210 juta, penambahan sebanyak 27 tren baharu mulai Julai 2023 hingga Disember 2024 bernilai RM1.7 bilion dan penyelenggaraan 35 set tren sedia ada melibatkan kos RM800 juta.

Bercakap kepada *Utusan Malaysia*, Ketua Pusat Penyelelidikan Jalan Raya, Fakulti Kejuruteraan Universiti Putra Malaysia (UPM), Prof. Madya Dr. Law Teik Hua menyifatkan, walaupun Prasarana bermuat baik mahu membaik pulih dan menaik taraf sistem pengangkutan awam yang sudah berusia 24 tahun, ia tidak seharusnya melibatkan perbelanjaan



ORANG awam menggunakan perkhidmatan LRT yang menghubungkan bandar sekitar Lembah Klang di Stesen LRT KL Sentral. - UTUSAN/AMIR KHALID

yang terlalu besar.

Katanya, jika peruntukan yang besar diperlukan setiap kali tiba tempoh penyelenggaraan, kerajaan perlu memastikan ia adalah perbelanjaan yang berbaloi dan dibelanjakan sewajarnya.

"Peruntukan RM2.8 bilion

itu memang perlu kerana sistem LRT Kelana Jaya menggunakan sistem lama, tetapi persoalan yang lebih penting adalah mengapa tunggu terlalu lama untuk membaik pulih dan menaik taraf sistem lama sehingga perlu menanggung kos

yang tinggi.

"Apa pula jaminan peruntukan ini akan benar-benar mewujudkan perubahan signifikan terhadap LRT Kelana Jaya? Perkara ini perlu difikirkan kerana mahal sahaja tak guna jika sistem pengangkutan awam tidak bertambah baik," katanya ketika dihubungi.

Pada masa sama, kata-nya, penambahbaikan tersebut tidak perlu dibuat secara mewah, sebaliknya hanya perlu memastikan LRT dapat beroperasi dengan lancar tanpa sebarang gangguan sehingga boleh menjasakan pengguna.

"Kita bukan mahukan istana LRT, kita cuma mahu LRT beroperasi dengan optimum dan efisien. Jadi, kita harap peruntukan ini dibelanjakan dengan sewajarnya," katanya.

Prasarana merangka tiga perancangan dalam tempoh lima tahun untuk menstabilkan sistem pengangkutan iaitu menambah baik sistem kawalan tren automatik (ATC), menambah 27 buah tren dan menambah baik kemudahan fasiliti di semua stesen LRT.

14 DISEMBER 2022 | RABU | MUKA SURAT : 6

UTUSAN MALAYSIA
RABU • 14 DISEMBER 2022

Dalam Negeri

Pernah dicadang sejak 2014, tiada tindakan serius pulihkan ternakan negara

Apa jadi Lembaga Ruminan Negara?

Oleh MAISARAH SHEIKH RAHIM
maisarah.rahim@mediamulia.com.my

PUTRAJAYA: Kerajaan digesa melaksanakan dengan serius Lembaga Ruminan Negara yang pernah dicadangkan sejak lapan tahun lalu bagi membantu memulihkan industri ternakan negara.

Ini termasuk Pelan Strategik Pembangunan Industri Pedaging Negara (2021-2025) yang mempunyai inisiatif khusus membangunkan industri berkenaan, namun sektor pedaging dilihat masih jauh ketinggalan.

Bercakap kepada *Utusan Malaysia*, Timbalan Presiden Kelab Generasi Transformasi Ruminan Malaysia (GTR), Nordin Mat berkata, Jabatan Perkhidmatan Veterinar (JPV) yang bertanggungjawab dalam reformasi industri berkenaan langsung tidak menampakkan sebarang perubahan sehinggakan Malaysia terpaksa bergantung kepada import untuk menampung keperluan bahan makanan itu.

Katanya, pada masa ini Malaysia hanya mengeluarkan 23 peratus daging lembu dan JPV hanya dilihat 'lebih suka menjaga' import daging sahaja yang benilai lebih RM3 bilion setahun.

"Saya mahu bertanya kembali kepada JPV apa jadi dengan cadangan Lembaga Ruminan Negara sejak 2014 lagi diumumkan untuk dilancarkan tapi sampai sekarang terus senyap."

"Ini gara-gara JPV sendiri yang tidak mau ia dilaksanakan kerana dipercayai mereka akan hilang kuasa, sedangkan mereka sendiri tak mampu untuk membangunkan industri ruminan.

"Jadi, perubahan kepemimpinan dalam kementerian yang diterajui menteri dan timbalan menteri baruah perlu merombak semula JPV ini dari segi komponen kepakaran industri atau perlu ada lembaga ini untuk membangunkan industri," katanya di sini semalam.

Walaupun pelbagai dasar dan insentif dilaksanakan kerajaan,

namun untuk 2020, Malaysia hanya mengeluarkan 23 peratus daging lembu, manakala pengeluaran daging kambing 11 peratus.

Bagi memenuhi keperluan negara, mengikut data Kementerian Pertanian dan Keterjaminan Makanan kerajaan terpaksa mengimpor daging yang semuanya berjumlah RM4.2 bilion pada 2021.

Mengulas lanjut, Nordin berkata, sudah terlalu lama JPV berhibernasi dalam pembangunan industri, apatah lagi

keanggotaan dalam jabatan ini terdiri daripada doktor veterinar yang hanya tahu membuat polisi kesihatan teknikal, namun tidak ada kapakan dalam pembangunan industri.

Katanya, input daripada JPV kepada kementerian dan pihak menteri juga tidak menjurus kepada pembangunan tetapi lebih kepada kawalan penyakit sahaja, justeru sudah tiba masanya jabatan berkenaan memerlukan pakar industri dan pengurusan.

"Ia perlu terdiri daripada pa-

kar teknikal dan komersial tuuk memajukan industri ruminan secara khusus. Kalau JPV terlalu luas bidangnya dari tebab, unggas, ruminan, dag produk asas, latihan, pengkuasaan dan lain-lain, mak agak sukar untuk dimajukan.

"Bagaimanapun, orang y menerajui lembaga ini p dipilih betul-betul, bukan da kalangan JPV atau bekas pisan JPV. Ia perlu diletakkan perniagaan, atau bekas pegat tinggi diplomat," katanya.

bandar
cemerlang

HAK MILIK KEKAL

KEDAI
PEJABAT
3 TINGKAT

PRECINCT B4

JENIS SB 1

16 DISEMBER 2022 | JUMAAT | MUKA SURAT : 6

Utusan
Malaysia

Kelulusan projek diberikan Majlis Mesyuarat Kerajaan Negeri pada 2019

Projek kuari 880 hektar Bukit Lagong belum beroperasi

Oleh MOHAMAD ATHIR ISMAIL
athir.ismail@mediamulia.com.my


SHAH ALAM: Tiada laporan Penilaian Kesan Kepada Alam Sekitar (EIA) diterima Jabatan Perhutanan Negeri Selangor terhadap cadangan pembukaan kuari baharu di kawasan Hutan Simpan Kekal Bukit Lagong (HSKBL).

Berikut itu, kelulusan projek kuari batu yang dibuat oleh Majlis Mesyuarat Kerajaan Negeri (MMKN) pada 2019 melibatkan kawasan seluas kira-kira 880 hektar di situ belum dilaksanakan sehingga hari ini, walaupun tempoh diberangkat untuk melombong adalah 30 tahun.

Pengarahnya, Datuk Ahmad Fadzil Abdul Majid berkata, kira-kira 18 kuari yang terdapat pada hari ini adalah projek-projek yang diluluskan oleh MMKN lebih 20 tahun dahulu dan syarikat-syarikat terlibat diberi kebenaran membawa keluar batu dari kawasan itu untuk tujuan pembinaan.

Malah, beliau menegaskan, kelulusan terbaru yang diberikan pada 2019 tidak menyebabkan HSKBL berkelusasan sehingga 8,000 hektar itu tidak menjadi seperti ‘padang jarak padang tekukur’ berikut projek-projek kuari di situ.

“Tiada istilah ceroboh hutan simpan di situ kerana syarikat-syarikat berkenaan diberi lesen iaitu kebenaran daripada kerajaan negeri untuk menjalankan kerja-kerja perlombongan batu untuk tujuan pembinaan dan pembangunan di Selangor.



PEMANDANGAN udara kuari yang menjenaskan kawasan Hutan Simpan Kekal Bukit Lagong yang dirakam berhampiran Lebuhraya Utara-Selatan susulan penerokaan hutan simpan kekal tersebut di situ. - UTUSAN/MUHAMAD IQBAL ROSLI

Justeru, kebenaran yang diberi sehingga kira-kira 880 hektar itu juga adalah tidak sampai 10 peratus daripada kelulusan hutan simpan. Tak mungkin mendatangkan ancaman dan risiko seperti yang dibangkitkan pihak berkaitan,” katanya kepada *Utusan Malaysia*.

Terdahulu, akhbar ini melaporkan hutan di Selangor semakin terancam berikutan kewujudan perluasan kuari sehingga

880 hektar di Bukit Lagong. Malah, Presiden Presiden Pertubuhan Pelindung Khazanah Alam Malaysia (Peka), Damien Thanam Divean mendahului, HSKBL adalah termasuk dalam kira-kira 32 peratus hutan simpan yang perlu kerajaan negeri lindungi.

Bagaimanapun, Ahmad Fadzil tidak menafikan pelaksanaan projek kuari memerlukan pembersihan hutan bagi setiap tapak

yang hendak dijalankan, namun tidak melibatkan keseluruhan kawasan dibenarkan.

“You kena faham konsep kuari itu sendiri, jadi, masalahnya orang tak faham perkara itu. Kuari kita tuluskan 40 hektar (setiap kuari) tak semestinya semua digondolkan. Jadi, syarikat akan bersihkan tempat yang hendak dijadikan kuari, bukan keseluruhannya mereka tebang. “Mereka hanya perlu buka

atau tebang kawasan yang hendak dijadikan kuari untuk diam-bil batu. Kalau cukup 20 hektar, maknanya 20 hektar sahaja lah, tak perlu sampai 40 hektar.

“Biasanya, kuari akan dilom-bong sedikit demi sedikit, tak boleh teruskan gondol semua 40 hektar. Setahun mereka mungkin dapat lombong sekitar 2.4 hektar sahaja, letupkan batu dan sebagainya,” jelasnya.

Selain itu, beliau juga me-nafikan syarikat-syarikat yang terlibat dalam kuari tersebut dianugerahkan projek secara rundingan terus, sebaliknya mereka perlu melalui prosedur pelbagai kelulusan sebelum di-berikan permit.

“Benar 19 syarikat diberikan lesen berdasarkan kelulusan MMKN pada 2019, tetapi perlu mematuhi semua syarat-syarat perlombongan (termasuk me-nyerahkan laporan EIA). Kalau tak patuh, kita tak benarkan.

“Semuanya dibuat melalui ta-waran tender (tender terbaik), prosedurnya sebelum ini kerajaan negeri sudah nyatakan sebelum ini. Semuanya ikut prosedur, tak ada yang bertentangan. Sebelum diluluskan (pemberian lesen), banyak perkara teknikal kita minta seperti laporan EIA, ulasan pihak berkuasa berkaitan dan sebagainya,” katanya.

Dalam pada itu, Pengerusi Jawatankuasa Tetap Pelancongan, Alam Sekitar dan Perubahan Iklim, Teknologi Hijau dan Hal Ehwal Orang Asli, Hee Loy Sian meminta NGO yang membangkitkan isu itu meng-hubunginya untuk penjelasan.

16 DISEMBER 2022 | JUMAAT | MUKA SURAT : 6

Utusan
Malaysia

Sistem amaran banjir lemah

Oleh MAISARAH SHEIKH RAHIM
maisarah.rahim@mediamulia.com.my

PUTRAJAYA: Sistem amaran awal bencana (EWS) di negara ini lemah dan gagal mengesan bencana lebih awal seperti banjir besar yang berlaku sekarang dan juga sewaktu tsunami banjir pada 2014.

Ekoran itu, kerajaan mengalami kerugian RM36 bilion setiap tahun dengan lebih 70,000 rakyat menjadi mangsa banjir ketika ini.

Bercakap kepada *Utusan Malaysia*, Pengarah Pusat Ke-siapsiagaan dan Pencegahan Bencana, Malaysia-Japan International Institute of Technology, Universiti Teknologi Malaysia (UTM), Dr. Khamarrul Azahari Razak berkata, ketika ini sistem EWS di Malaysia masih di tahap tidak mencukupi manakala peta bahaya risiko banjir pula tidak

- Negara rugi RM36 bilion
- Lebih 70,000 dipindah akibat bah tahun ini

diperluaskan ke peringkat komuniti.

Menurut beliau, jika kedua-dua tindakan tersebut diambil serius dengan sistem EWS lebih baik dan menyeluruh, Malaysia boleh mengurangkan sehingga separuh daripada nilai kerugian ekonomi yang dicatatkan berjumlah RM36 bilion setiap tahun.

“Jumlah mangsa bencana pula boleh dikurangkan pada tahap lebih sedikit berbanding

dengan apa yang sedang berlaku membabitkan lebih 70,000 mangsa terpaksa dipindahkan ke pusat-pusat pemindahan sementara (PPS),” kata beliau.

Kata Khamarrul, dari segi proses pemetaan dan penilaian bahaya risiko banjir itu merujuk kepada peringkat penyediaan peta bahaya, kerapuhan dan risiko bencana menggunakan teknologi geospatial termaju, permodelan hidrologi-hidraulik aliran air dengan senario perubahan iklim, penilaian kerosakan dan penentuan tahap impak limpahan banjir.

Kata beliau, kekurangan peta banjir berlaku terutamanya di kawasan Pantai Timur dan se-takat ini peta tersebut hanya digunakan oleh agensi teknikal tanpa disebar luas kepada komuniti di kawasan risiko banjir.

Bersambung di muka 3

23 DISEMBER 2022 | JUMAAT | MUKA SURAT : 12

Rasuah RM164,800, guru besar sekolah agama mengaku tidak bersalah



KAMALUDIN Sahlan (kanan, bertopi) setelah selesai mendengar pertuduhananya dekat Mahkamah Sesyen di Shah Alam, Selangor.
- UTUSAN/AFIQ RAZALI

SHAH ALAM: Seorang guru besar sebuah sekolah rendah agama (SRA) dihadapkan ke Mahkamah Sesyen di sini semalam atas dua pertuduhan meminta dan menerima rasuah sebanyak RM164,800.

Tertuduh, Kamaludin Sahlan, 50, meminta untuk dibicarkan selepas mengaku tidak bersalah sebaik sahaja kertas pertuduhan dibacakan ke atasnya di hadapan Hakim Rozilah Salleh.

Berdasarkan pertuduhan pertama, tertuduh didakwa secara rasuah meminta daripada seorang individu rasuah sebanyak 11 peratus daripada nilai projek sebagai dorongan baginya membantu mendapatkan kerja-kerja selenggara dan naik taraf bangunan serta infrastruktur SRA dalam daerah Petaling dan Kuala Selangor.

Pertuduhan kedua, Kamaludin didakwa menerima secara rasuah daripada individu berkenaan wang suapan berjumlah RM164,800 melalui akaun CIMB Islamic miliknya sebagai dorongan untuk tertuduh membantu

Romzi mendapatkan kerja-kerja berkenaan.

Kamaludin didakwa melakukan kesalahan itu di No. 33, Jalan Duku 5, Taman Seri Medan, Telok Panglima Garang, Kuala Langat dan CIMB Islamic Bank Bhd. Cawangan Kota Kemuning, Shah Alam antara Mei 2019 dan 12 Jan hingga 21 April 2021.

Dia yang kini bertugas di Unit Pendidikan Jabatan Agama Islam Selangor (JAIS), didakwa mengikut Seksyen 16(a)(A) Akta Suruhanjaya Pencegahan Rasuah Malaysia (SPRM) 2009 dan boleh dihukum di bawah Seksyen 24(1) akta yang sama.

Sabit kesalahan, tertuduh boleh dipenjarakan maksimum 20 tahun dan didenda tidak kurang daripada lima kali ganda nilai suapan atau RM10,000, yang mana lebih tinggi, jika sabit kesalahan.

Pegawai Pendakwa SPRM Mohd. Aliff Shaharuzaman menawarkan jaminan sebanyak RM30,000 dengan seorang penjamin.